

ЯНГИ ХОНАДОНЛАРНИНГ
КАЛИТЛАРИ ТОПШИРИЛДИ

10

12

ҲАРБИЙ УЧУВЧИЛАР ЎҚУВ
МАШҒУЛОТИДАН РЕПОРТАЖ

WWW.MV-VATANPARVAR.UZ

VATAN@EVO.UZ

VATAN – MUQADDAS, UNI HIMOYA QILISH SHARAFLI BURCHDIR!

VATANPARVAR



QR-кодни
телефон орқали
сканер қилинг.



AMIR TEMUR
KUCH ADOLATDADUR
СИЛА В СПРАВЕДЛИВОСТИ
STRENGTH IN JUSTICE
کوج عدالته دور

14 ЯНВАРЬ – ВАТАН ҲИМОЯЧИЛАРИ КУНИ

2020 йил 15 январь, №3 (2858)

ЎЗБЕКИСТОН РЕСПУБЛИКАСИ ҚУРОЛЛИ КУЧЛАРИ ТАШКИЛ ЭТИЛГАНИНИНГ 28 ЙИЛЛИГИ ВА ВАТАН ҲИМОЯЧИЛАРИ КУНИ МУНОСАБАТИ БИЛАН БАЙРАМ ТАБРИГИ

Ҳурматли аскар ва сержантлар, офицер ва генераллар, Қуролли Кучларимиз фахрийлари!

Қадрли юртдошлар!

Ўз ҳаётини Ватанни ҳимоя қилишдек энг улуғ ва олижаноб ишга бағишлаган сиз, азизларни, бутун халқимизни Ўзбекистон Республикаси Қуролли Кучлари ташкил этилганининг 28 йиллиги ҳамда Ватан ҳимоячилари куни билан чин қалбимдан самимий муборакбод этаман.

Ушбу қутлуғ айёмда барчамиз аввало ўз жанговар постида доимо ҳушёр ва сергак туриб, юртимиз сарҳадларини кўз қорачиғидек асраб келаётган мард ва жасур, содиқ ўғлонларимизни, фидойи ота-боболаримизни, ҳақиқий ватанпарвар инсонларни шарафлаб, уларнинг шаънига энг эзгу тилакларимизни изҳор этамиз.

Ана шундай ботир ва жонкуяр фарзандларни тарбиялаб вояга етказган ҳурматли ота-оналарга, ҳарбий хизматчиларимизга ўз муқаддас бурчини адо этишда ҳамisha тоғдек таянч бўлиб келаётган уларнинг оила аъзоларига чуқур миннатдорчилик билдираман.

Армиямизнинг куч-қудрати ҳарбий хизматчилар билан бутун жамиятимизнинг бирлиги ва ҳамжиҳатлигида, десак, айна ҳақиқатни айтган бўламан.

Мана шундай буюк маънавий қудрат манбаи бор экан, ҳеч қандай ёвуз куч Ўзбекистон мустақиллигига, тинч ва осуда ҳаётига раҳна сололмайди, бизни демократик ўзгаришлар йўлидан ортга қайтара олмайди.

Мухтарам дўстлар!

Ватанимиз мустақиллиги, халқимизнинг тинч, эркин ва фаровон ҳаётининг мустаҳкам қафолати бўлган Ўзбекистон Қуролли Кучлари ўтган 28 йилда ғоят мураккаб ва айна пайтда шонли шаклланиш йўлини босиб ўтди.

Айниқса, кейинги йилларда олиб борилаётган тўб ислохотлар натижасида миллий армиямиз ҳар қандай хавф-хатарга муносиб зарба бера оладиган қудратли, тезкор ва самарали кучга айланиб бормоқда.

Минтақамизда очиклик ва миллий манфаатларни ўзаро ҳисобга олиш тамойилларига асосланган янги сиёсатни амалга ошириш доирасида Қуролли Кучларимиз Марказий Осиёнинг барча мамлакатларидаги ҳамкасблари билан яқин шериклик алоқаларини ўрнатди ва мустаҳкамламоқда. Сўнгги йилларда биз бир қатор қўшма ўқув машғулотларини биргаликда ўтказдик. Шунингдек, юқори даражадаги ҳарбий делегацияларнинг ташрифларини ташкил этдик, тезкор ва жанговар тайёргарлик борасида тажриба алмашдик.

Бизнинг тобора кучайиб бораётган бундай ҳамкорлигимиз бугунги кунда минтақавий хавфсизлик ва барқарорликни, Марказий Осиё деб аталмиш умумий уйимизда тинчлик ва осойишталикни таъминлашнинг муҳим омилига айланиб бормоқда.

Дунёдаги энг юксак стандартлар даражасида ташкил этилган узлуксиз ҳарбий таълим тизими изчил ривожланмоқда. Ҳозирги пайтда янгитдан тузилган, моҳият эътибори билан ноёб бўлган Ахборот-коммуникация технологиялари ва алоқа ҳарбий институти мамлакатимизнинг замонавий олий таълим муассасалари қаторидан муносиб жой эгаллади.

Шу билан бирга, бошқарувнинг тезкор-стратегик бўғинида хизмат қиладиган офицер кадрларни тайёрлайдиган янги факультет ташкил этилди, Қуролли Кучлар

академиясида қўшимча таълим инфратузилмалари фойдаланишга топширилди. Махсус вазибаларни бажарадиган бўлинмалар учун ҳарбий хизматчилар тайёрлайдиган ўқув марказини ташкил этиш жараёни ниҳоясига етказилмоқда. Миллий гвардиянинг Ҳарбий-техник институти фаолиятини такомиллаштириш бўйича катта ишлар олиб борилмоқда.

Жанговар тайёргарликнинг модернизация қилинган, мослашувчан тизимини жорий этиш билан уйғун ҳолда, Қуролли Кучларнинг янги ташкилий тузилмага ўтказилиши миллий армиямизнинг жанговар тайёргарлиги ва жанговар қобилиятини бир неча баробар оширди.

Бугунги кунда бизнинг ҳарбийларимиз ўзларининг профессионал тайёргарлик даражаси бўйича жаҳондаги етакчи мамлакатлар армияларининг ҳарбий хизматчиларидан асло қолишмаслигини сўзда эмас, амалда исботламоқда. Халқаро ҳарбий ўқув мусобақаларида, армиялар ўртасидаги ва спорт беллашувларида Ўзбекистон вакиллари ўзларининг маҳорати, руҳан бақувватлиги, ғалабага бўлган иродасини намоён этмоқда, буюк аждодларимизнинг муносиб ворислари эканликларини яққол кўрсатмоқда.

Ҳеч шубҳасиз, буларнинг барчаси бутун Ўзбекистон халқида, айниқса, ёшларимизда миллий армиямиз билан фахрланиш туйғусини, Ватан ҳимоячисидек шарафли касбга ҳурмат-эҳтиром ҳиссини уйғотмоқда.

Миллий армиямизни қурол-яроғ ва бошқа зарур воситалар билан таъминлашга қодир бўлган мудофаа-саноат комплексимизни янада ривожлантириш бўйича вазибалар босқичма-босқич ҳал қилинмоқда.

Чирчиқ авиация таъмирлаш заводи ва жанговар ўқ-дорилар ишлаб чиқарадиган корхонанинг модернизация қилингани ва техник қайта жиҳозлангани бунга яққол мисол бўла олади, уларда қайта ташкил этилган илмий-техник салоҳият эса мазкур тармоқларда илмий-ишлаб чиқариш кластерларини шакллантиришнинг асосига айланиб бормоқда.

Иқтисодиётнинг тўлақонли мудофаа секторини шакллантириш бўйича амалга ошираётган ишларимиз яқин истиқболда нафақат миллий армиямизни қурол-яроғ ва техника билан таъминлаш, балки қўшимча иш ўринлари яратиш, шунингдек, мамлакатимиз иқтисодиётини диверсификация қилиш имконини ҳам беради.

Халқ ва армия ўртасида ишончли кўприкка айланган ҳарбий-маъмурий секторлар фаолиятида муайян ютуқлар кўзга ташланмоқда. Ушбу секторлар ташкил этилганидан буён «Халқ ва армия – бир тану бир жондир» деган шиор остида ҳарбий инфратузилмаларни модернизация қилиш ва тўпланиб қолган ижтимоий муаммоларни ҳал этиш бўйича кенг кўламли ишлар амалга оширилди.

Ҳарбий шахарчалар замонавий қиёфага эга бўлди, моддий таъминот хизматлари соҳасига аутсорсинг тизими жорий этилди. Ўтган уч йил давомида 8 мингдан зиёд ҳарбий хизматчилар оилаларини қулай ва шинам квартиралар билан таъминлаш учун 275 та кўп қаватли уй-жой барпо этилди, ҳарбий хизматчиларнинг аёллари учун қарийб 600 та янги иш ўрни яратилди, 1 минг 900 нафар ҳарбий пенсионер ишга жойлаштирилди.

Армиямиз униб-ўсиб келаётган ёш авлодни ватанпарварлик ва она юртга муҳаббат, миллий қадрият ва анъаналаримизга ҳурмат, шонли тарихимизни чуқур билиш руҳида тарбиялаш борасидаги ишларга фаол киришганини алоҳида қайд этишни истардим. «Ватанпарвар» ва «Фахрийлар»

сингари ташкилотлар, шунингдек, Мудофаа вазирлиги қошидаги Жамоатчилик кенгаши ёшларни ҳарбий-ватанпарварлик руҳида тарбиялашни янада кучайтириш ҳамда уларда фаол фуқаролик позициясини шакллантириш бўйича ғоят зарур бўлган ишларни биргаликда давом эттиради, деб ишонаман.

Шу ўринда Қуролли Кучлар фаолияти устидан фуқаролик назоратини кучайтириш зарурлигини таъкидламоқчиман. Бугунги кунда мамлакатимиз парламенти ўзининг кенгайтирилган ваколатлари доирасида «Мудофаа доктринаси тўғрисида»ги қонун ва мудофаа соҳасидаги бошқа ҳуқуқий ҳужжатлар ижросини назорат қилмоқда. Ўтган йили Олий Мажлис Сенати томонидан Қуролли Кучларнинг қурилиши ва ривожланиши, Ўзбекистон Республикаси фуқароларининг ҳарбий хизматни ўташига доир долзарб масалалар юзасидан ҳарбийлашган вазирлик ва идоралар раҳбарларининг маърузалари бир неча бор эшитилганини таъкидлаш лозим.

Қадрли юртдошлар!

Жаҳондаги вазият шиддат билан ўзгариб, дунёнинг айрим минтақаларида аҳвол кескинлашиб, халқаро терроризм ва экстремизм хавфи ортиб бораётгани биздан халқаро ва минтақавий вазиятни ҳар томонлама таҳлил ва прогноз қилишни, мамлакатимиз хавфсизлиги ва барқарорлигини таъминлаш, Қуролли Кучларимизнинг жанговар тайёргарлиги ва салоҳиятини оширишга қаратилган комплекс чора-тадбирларни кўришни талаб этмоқда.

Давлат чегараларини қўриқлаш ва ҳимоя қилиш тизимини янада мустаҳкамлаш, қўшинларни бошқариш тизимини такомиллаштириш, жанговар тайёргарликни ташкил этиш самарадорлигини ошириш, Қуролли Кучларни энг янги қурол-яроғ ва техникалар билан таъминлаш, мамлакатимиз мудофаа-саноат комплексини ривожлантириш бўйича фаол олиб борилаётган ишларни изчил давом эттириш зарур.

Биз юқори малакали ҳарбий кадрлар тайёрлаш, ўқув-тарбия жараёнларига илғор хорижий тажрибаларни, педагогик ва ахборот-коммуникация технологияларини кенг жорий этишга, шунингдек, ҳарбий хизматчилар, уларнинг оила аъзолари ҳамда Қуролли Кучлар фахрийларини ижтимоий ва ҳуқуқий ҳимоя қилишга бундан буён ҳам биринчи даражали аҳамият қаратамиз.

Ҳурматли дўстлар!

Ватанимизнинг мард ва жасур ҳимоячилари!

Ушбу қутлуғ байрам кунларида ҳамда Иккинчи жаҳон урушида қозонилган Ғалабанинг 75 йиллигини нишонлаш арафасида ўз ҳаёти эвазига дунё халқларининг озодлиги ва эркинлигини сақлаб қолишга эришган ғолиб аждодларимизга юксак ҳурмат ва эътибор кўрсатиш қанчалик муҳим эканини барчамиз ҳар қачонгидан ҳам чуқур ҳис этиб, бу борада катта амалий ишларни амалга оширмоқдамиз.

Сиз, ҳурматли ҳарбий хизматчиларга – аскар ва сержантлар, офицер ва генераллар, Қуролли Кучларимиз фахрийларига Ватанимизга сидқидилдан хизмат қилишдек шарафли вазифани адо этишда мустаҳкам соғлиқ, улкан муваффақиятлар, куч-ғайрат, оилаларингизга эса янги – 2020 йилда файз-барака ва бахт-саодат ёр бўлишини тилайман.

Шавкат МИРЗИЁЕВ,
Ўзбекистон Республикаси Президенти,
Қуролли Кучлар Олий Бош Қўмондони

Ўзбекистон Республикаси Президентининг ФАРМОНИ

ВАТАН ҲИМОЯЧИЛАРИ КУНИ ВА ЎЗБЕКИСТОН РЕСПУБЛИКАСИ ҚУРОЛЛИ КУЧЛАРИ ТАШКИЛ ЭТИЛГАНИНИНГ 28 ЙИЛЛИГИ МУНОСАБАТИ БИЛАН ҲАРБИЙ ХИЗМАТЧИЛАР ВА ҲУҚУҚНИ МУҲОФАЗА ҚИЛИШ ОРГАНЛАРИ ХОДИМЛАРИДАН БИР ГУРУҲИНИ МУКОФОТЛАШ ТЎҒРИСИДА

Мамлакатимизнинг мудофаа қудрати ва ҳарбий-техник салоҳиятини юксалтириш, давлат хавфсизлиги ва чегараларимиз дахлсизлигини таъминлаш, профессионал миллий армияни шакллантириш, ҳарбий хизмат нуфузини оширишдаги катта хизматлари, жамоат тартибини сақлаш, тинчлик ва осойишталикни мустаҳкамлаш, фуқароларнинг қонуний манфаатлари, ҳуқуқ ва эркинликларини ҳимоя қилиш борасидаги самарали меҳнати, хизмат бурчини бажаришда мардлик, жасорат ва фидойилик кўрсатгани, ёшларни Ватанга садоқат руҳида тарбиялаш, юқори малака ва маҳоратга эга кадрларни тайёрлаш ишларига қўшган муносиб ҳиссаси учун қуйидагилар орден ва медаллар билан мукофотлансин:

I даражали «Шон-шараф» ордени билан

ТУРДИЕВ Алишер Талибович – Ўзбекистон Республикаси Мудофаа вазирлиги бошқарма бошлиғининг ўринбосари

II даражали «Шон-шараф» ордени билан

БУЗРУКОВ Лутфулла Юсупович – Ўзбекистон Республикаси Қуролли Кучлари ҳарбий округ қўшинлари кўмондони

ИСМАИЛОВ Тимур Камалатдинович – Ўзбекистон Республикаси Ички ишлар вазирлиги бош бошқарма бошлиғи

МАЖИДОВ Улугбек Абдувоҳидович – Ўзбекистон Республикаси Мудофаа вазирлиги ҳарбий қисм командири

РАШИДОВ Алишер Абдумажидович – Ўзбекистон Республикаси Миллий гвардияси бошқарма бошлиғи

ТЕШАБОВ Мурод Ойхўжаевич – Ўзбекистон Республикаси Мудофаа вазирлиги ҳарбий қисм командири

«Дўстлик» ордени билан

Бя Юрий Ярославович – Ўзбекистон Республикаси Фавқулодда вазиятлар вазирлиги Ёнғин хавфсизлиги бош бошқармаси бўлим бошлиғининг ўринбосари

ЗАХИДОВ Абдурасул Абдусаттарович – «Discover Invest» масъулияти чекланган жамияти директори

ЗЕМСКОВ Александр Юрьевич – Ўзбекистон Республикаси Мудофаа вазирлиги ҳарбий қисм командири

МИРВОХИТОВ Мирсаид Мирфатух ўғли – «Natural Houses» масъулияти чекланган жамияти директори

МИРГАЛИЕВ Асхат Осатович – Ўзбекистон Республикаси Ички ишлар вазирлиги ўқув маркази катта йўриқчи-ўқитувчиси

МИРХАНОВ Умид Сапарович – Ўзбекистон Республикаси Мудофаа вазирлиги ҳарбий қисм командирининг ўринбосари

ТУРГУНОВ Илхом Тургунович – Ўзбекистон Республикаси Миллий гвардияси марказий аппарати бошқарма бошлиғи

«Мардлик» ордени билан

КОСИМОВ Равшан Норқобилович – Ўзбекистон Республикаси Мудофаа вазирлиги ҳарбий қисм командири

МАМАТМУСАЕВ Мирзокул Мавлонқулович – Сурхондарё вилояти Ички ишлар бошқармаси бошлиғининг жамоат тартибини сақлаш бўйича ўринбосари

ОТАҚУЗИЕВ Шухратжон Нурмухаммадович – Ўзбекистон Республикаси Миллий гвардияси ҳарбий қисм командири

РАХМОНОВ Рахматулло Бозорович – Ўзбекистон Республикаси Мудофаа вазирлиги ҳарбий қисм командири

СОБИРОВ Ботиржон Зокирович – Ўзбекистон Республикаси Мудофаа вазирлиги ҳарбий қисм батареяси командири

ТУРАХОНОВ Қахрамонжон Эркинович – Ўзбекистон Республикаси Ички ишлар вазирлиги бош бошқармаси бўлим бошлиғи

ҲАКИМОВ Рамазон Салимович – Ўзбекистон Республикаси Давлат хавфсизлик хизмати ҳарбий хизматчиси

«Жасорат» медали билан

АБДУЛЛАЕВ Азизхон Тохиржон ўғли – Ўзбекистон Республикаси Давлат хавфсизлик хизмати ҳарбий хизматчиси

АБДУЛЛОЕВ Салим Шокирович – Ўзбекистон Республикаси Мудофаа вазирлиги ҳарбий қисм гуруҳ командирининг ўринбосари

АБИДОВ Мурод Мирвахидович – Ўзбекистон Республикаси Ички ишлар вазирлиги Тошкент шаҳри бўйича бошқармаси отряд командири

АЛИМОВ Шерзод Боходирович – Ўзбекистон Республикаси Давлат хавфсизлик хизмати ҳарбий хизматчиси

БУРИБАЕВ Нурали Зулхайдорович – Ўзбекистон Республикаси Мудофаа вазирлиги ҳарбий қисм взводи командири

ДУЛАНОВ Мирзохид Махамдалиевич – Ўзбекистон Республикаси Миллий гвардияси ҳарбий қисм взводи командирининг ўринбосари

ЖАББОРОВ Жаҳонгир Сотиболдиевич – Ўзбекистон Республикаси Давлат хавфсизлик хизмати ҳарбий хизматчиси

ЖАЛИЛОВ Жамшид Норқузиевич – Ўзбекистон Республикаси Мудофаа вазирлиги ҳарбий қисм взводи командири

ЖУРАЕВ Ахрол Ахатуллаевич – Ўзбекистон Республикаси Давлат хавфсизлик хизмати ҳарбий хизматчиси

ИСМАТУЛЛАЕВ Барҳает Сойибович – Ўзбекистон Республикаси Мудофаа вазирлиги ҳарбий қисм взводи командирининг ўринбосари

ЙИГИТАЛИЕВ Ойбек Аскараниевич – Ўзбекистон Республикаси Мудофаа вазирлиги ҳарбий қисм эскадрильяси командири

ЙИГИТАЛИЕВ Шокиржон Зухриддин ўғли – Ўзбекистон Республикаси Давлат хавфсизлик хизмати Чегара қўшинлари Минтақавий штаби взвод командирининг ўринбосари

МУНТУРГАНОВ Байрамбек Женисбаевич – Ўзбекистон Республикаси Давлат хавфсизлик хизмати Чегара қўшинлари Минтақавий штаби взвод командирининг ўринбосари

НОРАЛИЕВ Жўрабек Эралиевич – Ўзбекистон Республикаси Давлат хавфсизлик хизмати ҳарбий хизматчиси

РАЖАБАЛИЕВ Санжар Эшмуродович – Ўзбекистон Республикаси Қуролли Кучлари ҳарбий округ бошқарув аппарати бўлим бошлиғи

РАХМОНОВ Хусен Искандарович – Ўзбекистон Республикаси Мудофаа вазирлиги отряд командирининг биринчи ўринбосари

СИДИҚОВ Ғолибжон Раҳимбердиевич – Наманган вилояти Ички ишлар бошқармаси отряд командири

УМУРЗАКОВ Жўрабек Набижонович – Ўзбекистон Республикаси Давлат хавфсизлик хизмати ҳарбий хизматчиси

ХОЖИМАТОВ Мадёрбек Турсунбоевич – Ўзбекистон Республикаси Давлат хавфсизлик хизмати ҳарбий хизматчиси

ХЎЖАЕВ Дадахон Илҳомович – Ўзбекистон Республикаси Миллий гвардияси кўриқлаш бошқармаси сафдор ходими

ЮСУПОВ Мухтар Бекчанович – Ўзбекистон Республикаси Миллий гвардияси бошқарма бошлиғи

«Содиқ хизматлари учун» медали билан

АБДУРАХМАНОВ Яхё Хусанович – Ўзбекистон Республикаси Қуролли Кучлари ҳарбий округ бошқарув аппарати бошқармаси бошлиғи

АБДУХАМИДОВ Мадаминжон Мухаммаджонович – Ўзбекистон Республикаси Давлат хавфсизлик хизмати Чегара қўшинлари Минтақавий штаби штаб бошлиғининг ўринбосари

АВЕЗБЕРДИЕВ Дилшод Реджабаевич – Ўзбекистон Республикаси Миллий гвардияси ҳарбий қисм гуруҳи мутахассиси

АДИЗОВ Зоҳид Рашидович – Ўзбекистон Республикаси Мудофаа вазирлиги ҳарбий қисм гуруҳи мутахассиси

АЗИМОВ Ихволжон Омонбаевич – Фарғона вилояти Божхона бошқармаси бошлиғи

АСФАНДИЯРОВ Рамиль Рустамович – Ўзбекистон Республикаси Миллий гвардияси хизмат бошлиғи

АХМАДАЛИЕВ Рашид Мусинович – Ўзбекистон Республикаси Қуролли Кучлари академияси кафедра бошлиғи

АХМЕДОВ Зафаржон Азамович – Ўзбекистон Республикаси Давлат хавфсизлик хизмати ҳарбий хизматчиси

БАЛХИЕВ Нуриддин Исамитдинович – Ўзбекистон Республикаси Фавқулодда вазиятлар вазирлиги Жиззах вилояти фавқулодда вазиятлар бошқармасининг Фориш тумани фавқулодда вазиятлар бўлими бошлиғи

БОБОНАЗАРОВ Бекзод Бахтиёрович – Ўзбекистон Республикаси Мудофаа вазирлиги ҳарбий қисм батальони командири

БОЗОРОВ Уктам Турмухаммадович – Ўзбекистон Республикаси Миллий гвардияси бошқармаси катта офицери

БОЗОРОВ Эрали Хабибуллаевич – Ўзбекистон Республикаси Ички ишлар вазирлиги Йўл ҳаракати хавфсизлиги бош бошқармаси бошлиғининг ўринбосари

ГУЛОМОВ Фахриддин Шакирович – Ўзбекистон Республикаси Фавқулодда вазиятлар вазирлиги «Хавфсиз дарё» давлат унитар корхонаси бошлиғи

ИБРАГИМОВ Искандар Икромович – Ўзбекистон Республикаси Миллий гвардияси батальони командири

ИСАЕВ Баходир Усманович – Ўзбекистон Республикаси Давлат хавфсизлик хизмати ҳарбий хизматчиси

КАДИРОВ Камил Шамильевич – Ўзбекистон Республикаси Қуролли Кучлари Бош штаби бошқармаси бошлиғи

КАДИРОВ Шаухат Жанабаевич – Ўзбекистон Республикаси Фавқулодда вазиятлар вазирлиги Қорақалпоғистон Республикаси Фавқулодда вазиятлар бошқармаси оператив бошқарув маркази бошлиғи

КАСИМОВ Гайрат Ташкенбекович – Ўзбекистон Республикаси Миллий гвардияси «Динамо» жисмоний тарбия-спорт жамияти раисининг ўринбосари

КОДИРОВ Хотам Шакирович – Тошкент вилояти Ички ишлар бош бошқармаси бошлиғининг иккинчи минтақавий ҳудуд бўйича вакили

КУДРАТОВ Уктам Гофурович – Ўзбекистон Республикаси Олий ҳарбий авиация билим юрти кафедраси бошлиғининг ўринбосари

МАМАРАСУЛОВ Равшан Рустамович – Ўзбекистон Республикаси Мудофаа sanoати давлат қўмитаси «Чирчиқ авиация таъмирлаш заводи» давлат корхонаси директорининг ўринбосари – бош муҳандиси

МУЙДИНОВ Алижон Ахмаджонович – Ўзбекистон Республикаси Давлат хавфсизлик хизмати Чегара қўшинлари тезкор гуруҳи взводи командирининг ёрдамчиси

НОРМАМАТОВ Муродбек Ибайдуллаевич – Ўзбекистон Республикаси Миллий гвардияси ҳарбий қисм гуруҳи мутахассиси

ПАЛВАНОВ Шакир Базарбаевич – Ўзбекистон Республикаси Мудофаа вазирлиги ҳарбий қисм лабораторияси катта лаборанти

РАСУЛОВ Хусниддин Холмуродович – Ўзбекистон Республикаси Мудофаа вазирлиги ҳарбий қисм гуруҳи командири – қоровул бошлиғи

РАХМАНОВ Хондамир Парманқулович – Ўзбекистон Республикаси Миллий гвардияси марказий аппарати бошқарма бошлиғи





РАХМАТОВ Дусёр Джалолович – Ўзбекистон Республикаси Миллий гвардияси ҳарбий қисм взводи командири

РЕЙМОВ Максатбай Жолдасбаевич – Ўзбекистон Республикаси Мудофаа вазирлиги ҳарбий қисм гуруҳи командирининг ўринбосари

ТЎРАЕВ Зафаржон Турсунпўлатович – Ўзбекистон Республикаси Фавқулодда вазиятлар вазирлиги Фуқаро муҳофазаси институти бошлигининг биринчи ўринбосари

ТУРСУНОВ Кодиржон Мухаммаджонович – Ўзбекистон Республикаси Мудофаа вазирлиги Ахборот-коммуникация технологиялари ва алоқа ҳарбий институти кафедраси бошлиғи

ТУХТАСИНОВ Икболжон Иномжонович – Ўзбекистон Республикаси Ички ишлар вазирлиги Халқаро аэропортларда хавфсизликни таъминлаш қўшинлари алоҳида батальони командири

ХАБИЕВ Илдар Рашидович – Ўзбекистон Республикаси Давлат хавфсизлик хизмати ҳарбий хизматчиси

ХАМРОЕВ Бахшилло Ғайбуллаевич – Ўзбекистон Республикаси Мудофаа вазирлиги ҳарбий қисм хизмат бошлиғи

ХАМРОЕВ Камолжон Каримович – Ўзбекистон Республикаси Фавқулодда вазиятлар вазирлиги Бухоро вилояти фавқулодда вазиятлар бошқармаси Ғиждувон тумани фавқулодда вазиятлар бўлими бошлиғи

ХУСЕНОВ Хамза Исмоилович – Бухоро вилояти Ички ишлар бошқармаси Пешку тумани бўлими профилактика катта инспектори

ЮЛДАШЕВ Исмойилжон Жураевич – Ўзбекистон Республикаси Фавқулодда вазиятлар вазирлиги Ёнғин хавфсизлиги институти кафедраси профессори

«Шухрат» медали билан

АБДУҚАХХАРОВ Қобулжон Абдугонпор ўғли – Ўзбекистон Республикаси Давлат хавфсизлик хизмати Чегара қўшинлари Минтақавий штаби взвод назоратчиси

АЛЛАБЕРГАНОВ Махсуд Жуманязович – Ўзбекистон Республикаси Фавқулодда вазиятлар вазирлиги Хоразм вилояти фавқулодда вазиятлар бошқармаси ёнғин-қутқарув қисми бошлиғи

АЛМЕТОВ Шерзод Болтабаевич – Ўзбекистон Республикаси Давлат божхона қўмитаси Ахборот-коммуникация технологиялари бошқармаси бош инспектори

АСТАНКУЛОВ Отабек Тохирович – Ўзбекистон Республикаси Фавқулодда вазиятлар вазирлиги мобил бошқарув пункти катта техниги

АЧИЛОВ Мансур Сувонбоевич – Ўзбекистон Республикаси Давлат хавфсизлик хизмати Чегара қўшинлари Минтақавий штаби взвод командирининг ўринбосари

БЕКМУРЗАЕВ Акмал Абдуалиевич – Ўзбекистон Республикаси Мудофаа вазирлиги бўлим бошлиғи

БОБОМУРАДОВ Зоҳиджон Закирович – Ўзбекистон Республикаси Ички ишлар вазирлиги Хоразм вилояти бўйича бошқармаси отряд командири

ВАХИДОВ Абдукадир Исакович – Ўзбекистон Республикаси Мудофаа вазирлиги ҳарбий қисм гуруҳи мутахассиси

ЖОНҚОБИЛОВ Акмал Ғайзуллаевич – Ўзбекистон Республикаси Ҳарбий суди судьяси

ИСАҚОВ Элмуроджон Изатилло ўғли – Ўзбекистон Республикаси Давлат хавфсизлик хизмати Чегара қўшинлари Минтақавий штаби взвод назоратчиси

ИСМАТОВ Икромжон Парпиевич – Ўзбекистон Республикаси Қуролли Кучлари Бош штаби бўлими бошлиғи

КУРБАНОВ Баҳром Фазлитдинович – Ўзбекистон Республикаси Давлат хавфсизлик хизмати ҳарбий хизматчиси

МАТЯКУБОВА Агата Рустамовна – Ўзбекистон Республикаси Миллий гвардияси ҳарбий қисм отряди командири

МАШАРИПОВ Рўзибой Раҳимович – Ўзбекистон Республикаси Ички ишлар вазирлигининг Хоразм академик лицейи директори

МИРЗАЕВ Шахбоз Шавкатжонович – Ўзбекистон Республикаси Миллий гвардияси ҳарбий қисм взводи командири

МУХТОРОВ Илхом Мухторович – Ўзбекистон Республикаси Давлат божхона қўмитаси Хавфларни мониторинг қилиш ва баҳолаш бошқармаси бошлиғи

РАҲМАТОВ Баҳодир Эсиргапович – Самарқанд вилояти Ички ишлар бошқармаси ташкилий бошқармаси бошлигининг ўринбосари

РАҲМАТОВ Мирзохид Холтураевич – Ўзбекистон Республикаси Мудофаа вазирлиги ҳарбий қисм гуруҳи қоровул бошлиғи

РАҲМОНОВ Нурзодбек Эргашбоевич – Ўзбекистон Республикаси Мудофаа вазирлиги ҳарбий қисм секцияси командири

САЛАЕВ Хамза Аббазович – Жиззах вилояти Ички ишлар бошқармаси патруль-пост хизмати ва жамоат тартибини сақлаш бошқармаси бошлиғи

САНАЕВ Шухрат Музаффарович – Ўзбекистон Республикаси Ҳарбий прокуратураси ўта оғир жиноятларни тергов қилиш бўлими бошлиғи

САТТАРОВ Азизбек Тоирович – Ўзбекистон

Республикаси Фавқулодда вазиятлар вазирлиги махсус муҳандис-қурилиш бошқармаси батальони командири

СУЛАЙМАНОВ Зафарбек Сахибжонович – Андижон вилояти Ички ишлар бошқармаси патруль-пост хизмати батальони бўлинма командири

ТАНИМОВА Гоззал Мауленбергеневна – Ўзбекистон Республикаси Миллий гвардияси ҳарбий қисм гуруҳи офицери

ТАШЕВ Жасурбек Хакбердиевич – Қашқадарё вилояти Ички ишлар бошқармаси патруль-пост хизмати ва жамоат тартибини сақлаш бошқармаси бошлигининг ўринбосари

ТОЖИБОЕВ Диербек Еркинович – Ўзбекистон Республикаси Қуролли Кучлари Бош штаби маркази бошлиғи

ТУЕВ Исроиил Исмоилович – Ўзбекистон Республикаси Мудофаа вазирлиги ҳарбий қисм взводи командири

УБАЙДУЛЛАХУЖАЕВА Ойдиной Хамидуллаевна – Ўзбекистон Республикаси Мудофаа вазирлиги ҳарбий қисм маркази мутахассиси

УСМАНОВ Александр Раҳимович – Ўзбекистон Республикаси Мудофаа вазирлиги ҳарбий қисм бўлими мутахассиси

ХАЙДАРОВ Абдугаффор Маждидович – Ўзбекистон Республикаси Фавқулодда вазиятлар вазирлиги Наманган вилояти фавқулодда вазиятлар бошқармаси оператив бошқарув маркази бошлиғи

ХАЛИМОВ Эркин Халилович – Ўзбекистон Республикаси Мудофаа вазирлиги Чирчиқ олий танк кўмондонлик-муҳандислик билим юрти кафедраси доценти

ШАРИПОВ Алишер Абдунабиевич – Ўзбекистон Республикаси Мудофаа вазирлиги ҳарбий қисм бўлими бошлиғи

ЭЛМУРОДОВ Бекзод Тоштемирович – Ўзбекистон Республикаси Фавқулодда вазиятлар вазирлиги Навоий вилояти фавқулодда вазиятлар бошқармаси қутқарувчи-йўриқчиси

ЭШОНКУЛОВ Одил Алламуратович – Ўзбекистон Республикаси Қуролли Кучлари Кичик мутахассисларни тайёрлаш маркази катта йўриқчиси

ЮСУПОВ Саиджон Нематович – Ўзбекистон Республикаси Мудофаа вазирлиги ҳарбий қисм взводи командирининг ўринбосари

Ўзбекистон Республикаси
Президенти

Ш. МИРЗИЁЕВ

Тошкент шаҳри,
2020 йил 10 январь

МИЛЛИЙ АРМИЯМИЗНИ ЯНАДА ТАКОМИЛЛАШТИРИШ ВА РИВОЖЛАНТИРИШ БЎЙИЧА УСТУВОР ВАЗИФАЛАР БЕЛГИЛАНДИ

Ўзбекистон Республикаси Президенти, Қуролли Кучлар Олий Бош Қўмондони Шавкат Мирзиёев Ватан ҳимоячилари байрами арафасида, 10 январь куни Қуролли Кучлар академиясига ташриф буюрди.

Давлатимиз раҳбари бу ерга 2017 йил январь ойида келиб, ҳарбий таълимни такомиллаштириш, ўша пайтдаги Тошкент олий умумқўшин қўмондонлик билим юрти негизида мутлақо янги ўқув муассасаси ташкил этиш бўйича кўрсатмалар берган эди. Кўп ўтмай, Президентнинг тегишли қарори қабул қилиниб, бу ерда хорижнинг илғор технологиялари ва замонавий ўқув воситаларини мужассам этган Қуролли Кучлар академияси ташкил этилди. 2018 йил январда Олий Бош Қўмондон мазкур янгиланган таълим маскани фаолияти билан танишган эди.

Бугун академия ҳам шароит, ҳам мазмун жиҳатидан тубдан ўзгарган. Аудиториялар компьютер техникаси, ўқув ва лаборатория асбоб-ускуналари билан жиҳозланган. Замонавий ситуация марказ, тренажёрлар ташкил этилган.

Ўтган йили бу ерда модернизация ишлари давом эттирилиб, янги объектилар қурилди. Курсантларнинг ўқиши ва жанговар машғулотлар ўташи, спорт билан шуғулланиши учун қўшимча имкониятлар яратилди.

Академия қошида мамлакатимизнинг барча ҳарбий таълим йўналишидаги олий ва ўрта махсус билим юртра-рида ўқув жараёни ва илмий ишларни

мувофиқлаштирадиган Илмий-методик кенгаш тузилди.

Президентимиз ўқув муассасаси фаолиятини такомиллаштириш бўйича саъй-ҳаракатлар натижаси ҳамда фойдаланишга топширилган замонавий таълим инфратузилмаси объектлари билан танишди.

Ўқув биносида ҳарбий техниканинг асосий намуналари бўйича динамик компьютер тренажёрлар имкониятлари намойиш қилинди, академия курсантларининг ихтирочилиги ва инновацион ишланмалари ҳақида маълумот берилди.

– Барча соҳалар қатори ҳарбий таълим бўйича ҳам доимо замон билан бирга қадам ташлашимиз, керак бўлса, ундан олдинда юришимиз зарур. Ҳарбийларимиз, курсант ва тингловчилар энг илғор, инновацион билим ва кўникмаларни эгаллаши, соҳа бўйича дунёдаги янгилликлардан хабардор бўлиши, доим изланиши лозим, – деди Шавкат Мирзиёев.

Президентимиз курсантларни мамлакатимиз ҳаётидаги муҳим воқеа – Ўзбекистон Республикаси Қуролли Кучлари ташкил этилганининг 28 йиллиги ва Ватан ҳимоячилари куни билан табрикланди. Ўқув хоналари, ётоқхона ва сузиш ҳавзасидаги шароитларни кўздан кечирди.

Шу куннинг ўзида Қуролли Кучлар академиясида Ўзбекистон Республикаси Президенти, Қуролли Кучлар Олий Бош Қўмондони Шавкат Мирзиёев раислигида Хавфсизлик кенгашининг миллий армиямизни янада ривожлантириш ва ислоҳ қилиш масалаларига бағишланган кенгайтирилган йиғилиши бўлиб ўтди.

Тадбирда Хавфсизлик кенгаши аъзолари, Қуролли Кучлар, вазирлик ва идоралар раҳбарлари, видеоконференцалоқа орқали эса ҳудудлар раҳбарлари, ҳарбий округ ва ҳарбий қисмлар қўмондонлиги, жамоат ташкилотлари вакиллари иштирок этди. Мамлакатимиз мудофаа қобилиятини мустаҳкамлаш борасида амалга оширилган ишлар тўғрисида ахборот берилди.

Йиғилишда Қуролли Кучларни ривожлантириш бўйича олиб борилаётган кенг кўламли ишлар сарҳисоб қилиниб, вазирлик ва идоралар ҳамда маҳаллий ҳокимият органларининг миллий армиямизни ривожлантириш ва ислоҳ қилиш борасидаги фаолиятига танқидий баҳо берилди.

Президентимиз 2017–2021 йилларда Ўзбекистон Республикасини янада ривожлантириш бўйича Ҳаракатлар стратегияси асосида мамлакат ҳаётининг бошқа соҳалари билан бир қаторда ҳарбий қурилиш йўналишида кенг миқёсда модернизация ишлари амалга оширилгани, бу билан қисқа даврда аниқ натижаларга ҳамда Қуролли Кучларимиз қиёфаси бўйича

стратегик ёндашуви шакллантиришга эришилганини таъкидлади.

Ҳозирги ахборот маконидаги қарма-қаршилиқ, одамлар, айниқса, ёш авлоднинг онги ва қалби учун кураш кучайган шароитда ҳарбий-ватанпарварлик руҳидаги тарбиянинг ўрни ва аҳамияти тобора ортиб бораётгани алоҳида қайд этилди.

Аҳолини, аввало, ёшларни шундай руҳда тарбиялаш тизимини такомиллаштириш, мамлакатимизда амалга оширилаётган ислохотлар жараёнига жалб қилиш, уларнинг интеллектуал ва ижодий салоҳиятини рўёбга чиқариш бўйича қўшимча топшириқлар берилди.

– Армия моддий жиҳатдан энг замонавий ва зарур воситалар билан таъминланган бўлиши мумкин, лекин ахлоқий жиҳатдан заифлиги, жанговар руҳи, Ватанга содиқлик ва муҳаббат, унинг тақдири учун масъулият ҳисси йўқлиги ёки лоқайдлик тузатиб бўлмас оқибатларга олиб келиши мумкин, – дея таъкидлади давлатимиз раҳбари.

Бундан ташқари, Қуролли Кучларни ислоҳ қилиш ва ривожлантиришнинг бошқа муҳим йўналишлари кўриб чиқилди.

Йиғилиш якунида Ўзбекистон Республикаси Президенти, Қуролли Кучлар Олий Бош Қўмондони Шавкат Мирзиёев томонидан мамлакатимиз мудофаа қобилиятини мустаҳкамлаш соҳасида келгуси ишларни ташкиллаштириш бўйича вазифалар белгиланди.

ЎЗА



Bu tanishuv parchasidir. Asarning to'liq versiyasi <https://kitobxon.com/oz/asar/4321> saytida.

Бу танишув парчасидир. Асарнинг тўлиқ версияси <https://kitobxon.com/uz/asar/4321> сайтида.

Это был ознакомительный отрывок. Полную версию можно найти на сайте <https://kitobxon.com/ru/asar/4321>